

Ո Ր Ո Շ ՈՒ Մ N 766/1
/վարչական տույժ նշանակելու մասին/

«18» օգոստոսի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Երկնքի Երջանկություն-Բոնյող Դյու Սիել» Բարեգործական Հիմնադրամի (ՀՎՀՀ 00207033, հասցե՝ ք. Երևան, Հակոբ Հակոբյան 3-րդ 2., 2-րդ մասնաշենք, 5-րդ հարկ) տնօրեն Մաջրի Իսմաիլ Էլ Ալաուի Իսմաիլի (անձնագիր՝ LR0065374, հասցե՝ ՀՀ, ք. Երևան, Ռաֆայել Լեմկինի փող., 2.1) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Երկնքի Երջանկություն-Բոնյող Դյու Սիել» Բարեգործական Հիմնադրամի անվամբ թիվ 05100033/120320/0010419 տարանցման հայտարարագրով Բագրատաշենի մաքսային կետ-բաժնով ՀՀ տարածք է ներմուծվել 5,000 կգ ընդհանուր քաշով բեռ, որը 14.03.2020 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը բեռի վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման գլխավոր մաքսային տեսուչի կողմից 21.07.2020 թվականին «Երկնքի Երջանկություն-Բոնյող Դյու Սիել» Բարեգործական Հիմնադրամի տնօրեն Մաջրի Իսմաիլ Էլ Ալաուի Իսմաիլի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 194-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 18.08.2020 թվականին ժամը 10:00-ին, ինչի անցկացման վայրի և ժամանակի մասին ծանուցումն օրենքով սահմանված կարգով առաքվել է «Երկնքի Երջանկություն-Բոնյող Դյու Սիել» Բարեգործական Հիմնադրամի տնօրեն Մաջրի Իսմաիլ Էլ Ալաուի Իսմաիլին: Վերջինս չի ներկայացել գործի քննությանը և որևէ առարկություն չի ներկայացրել:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն

իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ «Երկնքի Երջանկություն-Բոնյոլ Դյու Սիել» Բարեգործական Հիմնադրամի տնօրեն Մաջդի Իսմաիլ Էլ Ալաուի Իսմաիլը սահմանված ժամկետում թիվ 05100033/120320/0010419 տարանցման հայտարարագրով Բագրատաշենի մաքսային կետ-բաժնով ՀՀ տարածք ներմուծված բեռի համար մաքսային հայտարարագիր չի ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «Երկնքի Երջանկություն-Բոնյոլ Դյու Սիել» Բարեգործական Հիմնադրամի տնօրեն Մաջդի Իսմաիլ Էլ Ալաուի Իսմաիլին ենթարկել վարչական պատասխանատվության՝ տուգանելով **50.000 ՀՀ դրամի չափով:**
2. Որոշման մասին հայտնել «Երկնքի Երջանկություն-Բոնյոլ Դյու Սիել» Բարեգործական Հիմնադրամի տնօրեն Մաջդի Իսմաիլ Էլ Ալաուի Իսմաիլին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:
3. Որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):**

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ